

কতই না ভাল হবে! এর ফলে তিনি بَابُ الْفَاعِلِ
وَالْمَفْعُولِ বা কর্তা ও কর্মের অনুচ্ছেদ রচনা করেন।^{১৭}

৫. ওমর ফারক (রাঃ)-এর শাসনামলে এক বুদ্ধ লোকদেরকে বলল, এমন কেউ আছে যে আমাকে মুহাম্মদ (ছাঃ)-এর উপর অবর্তীর্ণ বাণী তথা কুরআন মাজীদের কিছু অংশ পড়ে শুনাবে? এ আবেদনের প্রেক্ষিতে এক ব্যক্তি তাকে সূরা তওবার কিছু আয়াত পড়ে শুনায় এবং

رَسُولُهُ -بِرَىءٌ مِّنَ الْمُشْرِكِينَ وَرَسُولُهُ -এর লাগ অক্ষরকে ঘের দিয়ে পড়ে। ফলে বুদ্ধ বলল, আল্লাহ তাঁর রাসূল (ছাঃ) থেকে বিমুখ!^{১৮} যদি তাই হয় তাহলে তো আমি ও তার থেকে বিমুখ! এ ঘটনা ওমর ফারক (রাঃ)-কে জানালে তিনি বুদ্ধকে ডেকে বললেন, আয়াতটি ওভাবে নয় বরং এভাবে পড়তে হবে- أَنَّ اللَّهَ رَسُولُهُ أَبْرَىءَ مِنَ الْمُشْرِكِينَ وَرَسُولُهُ أَبْرَىءَ এরপর তিনি আবুল আসওয়াদ আদ-দুওয়ালীকে 'নাহ' প্রণয়নের জন্য আদেশ দেন। ফলে আবুল আসওয়াদ 'নাহ'-র নিয়ম-নীতি প্রণয়ন করেন।^{১৯}

উপরিউক্ত ঘটনাবলী প্রমাণ করে যে, আবুল আসওয়াদ আদ-দুওয়ালী-ই 'ইলমে নাহ'-র গোড়াপত্তন করেন।

[চলবে]

১৭. ইবনুন নাদীম, আল-ফিহরিস্ত (বৈজ্ঞানিক খাইয়াত, তাৎ), পঃ ৪০।
১৮. মাওলানা মুহাম্মদ হানীফ গাংগুহী, কুরআতুল উয়ান ফী
তায়কিরাতিল ফুনুন (দেওবন্দ হানীফ বুক প্রিপে, তাৎ), পঃ ১২২।

মনীষী চরিত

ইমাম তিরমিয়ী (রহঃ)

মুহাম্মদ কাবীরজল ইসলাম*

উপক্রমণিকাঃ

ইসলামী শরী'আতের অন্যতম মূল ভিত্তি হাদীছ সংকলনে যে সমস্ত মনীষীবুল তাঁদের সময়, শ্রম ব্যয় করেছেন ও সর্বাঙ্গিক প্রচেষ্টা চালিয়েছেন এবং হাদীছ সংকলনের মাধ্যমে মিল্লাতে মুসলিমার ধর্মীয় কার্যাবলী সম্পাদন ও বিধি-বিধান পালন সহজতর করে দিয়েছেন ইমাম তিরমিয়ী ছিলেন তাঁদের অন্যতম। হাদীছ সংকলন করে তিনি ইসলামী বিশ্বে অরণীয় ও বরণীয় হয়ে আছেন। এ নিবন্ধে এই মহামনীষীর জীবনী ও তাঁর ভূবন বিখ্যাত গ্রন্থের বৈশিষ্ট্য সহ হাদীছ শাস্ত্রে তাঁর অবদান সংক্ষিপ্তাকারে আলোচিত হ'ল।

নাম ও বৎস পরিচয়ঃ

নাম মুহাম্মদ, আবু ইসা উপনাম, পিতার নাম ইসা। পূর্ণ বৎসক্রম একুপ- আবু ইসা মুহাম্মদ ইবনু ইবনে সাওরা বিন মূসা বিন যাহাক আস-সুলামী আয়-যারীর আল-বুগী আত-তিরমিয়ী।^১ 'বনী সালিমে'-র প্রতি নেসবত করে সুলামী, 'বুগ'-গ্রামের প্রতি সম্পর্কিত করে 'বুগ'-^২ এবং তিরমিয় শহরের প্রতি নেসবত করে তাঁকে 'তিরমিয়ী' বলা হয়।^৩ 'সাওরাহ'- তাঁর দাদার নাম।^৪ কোন কোন বর্ণনায় 'সাওরাহ'-এর পিতার নাম 'শাদ্দাদ' এবং কোন কোন রিওয়ায়াতে 'আসফান' উল্লেখিত হয়েছে।^৫

* এম, ফিল গবেষক, ইসলামিক টাউজ বিভাগ, রাজশাহী বিশ্ববিদ্যালয়।

১. ইবনু ইমাদ হাবলী (মৃহৃঃ ১০৮৯হিঃ) শায়ারাত্ব যাহাব, ২২ খণ্ড (মিহরঃ মাকতাবাতুল কুদীরী, ১৩৫১হিঃ), পঃ ১৭৮; আবদুর রহমান মুবারকপুরী, মুকাদ্দামা তুহফাতুল আহওয়াবী (বৈজ্ঞানিক দারান্ড কৃতবিল ইলমিয়াহ, ১৯১০/১৪১০হিঃ), পঃ ২৬৭; কেউ কেউ তাঁর নসবনামা এভাবে উল্লেখ করেছেন, Abu Isa Muhammad Ibn Sawrah Ibn Shaddad At-tirmidhi. See: The new Encyclopaedia Britannica, V-11, P. 795.
২. ইবনু খালিফান, (৬০৮-৬৮১হিঃ) অক্ষয়াতুল আইয়ান, ৪৮ খণ্ড (কুমোঃ মানতুরাত্ম শরীফ আরবী ১৩৬৪হিঃ), পঃ ৬১০; হস্রত মাওলানা মুহাম্মদ হানীফ গাংগুহী, যাফরুল মুহাজিলীন (দেওবন্দ হানীফ বুক প্রিপে, তা.বি.), পঃ ১৬৭।
৩. ইসলামী বিশ্বকোষ, (চাকঃ ইসলামিক ফাউনেশন বাংলাদেশ, ১৯৯২/১৪১৩হিঃ), ১২শ খণ্ড, পঃ ৫২৭; কেউ কেউ বলেন, Thenisba al-Tiamidhi connects him with tirmidhi. See: The Encyclopaedia of Islam. (London: Luzac & Co. 1924). V-6, P-796.
৪. যাফরুল মুহাজিলীন, পঃ ১৬৭।
৫. আল-জামিউছ ছহীহ, তাহকীক ও শরাহ, আহমাদ মুহাম্মদ শাকের, (মিহরঃ মুছতফা আল-বাৰী আল-হালাবী ওয়া আওলাদুহ, ১৯৭৮/১৩৯৮হিঃ), ১/৭৭ পঃ; ইসলামী বিশ্বকোষ, ১২/৫২৭ পঃ।

বুলক জুয়েল্স

প্রোঃ মুহাম্মদ সাইদুর রহমান

আধুনিক কৃতিসমূহ স্বর্ণ
রৌপ্য অলঙ্কার
প্রস্তুতকারক ও সরবরাহকারী।

সাহেব বাজার, রাজশাহী।

ফোনঃ দোকানঃ ৭৭৩৯৫৬

বাসঃ ৭৭৩০৮২

জন্মস্থান ও কালঃ

তিনি আয়ুদরিয়ার বেলাভূমিতে অবস্থিত ট্রাপ অক্সিয়ানার 'তিরমিয' নামক স্থানে ২০৯ হিজরীতে জন্মগ্রহণ করেন।^{১৬} কেউ কেউ বলেন, তিনি 'বুগ' নামক প্রামে জন্মগ্রহণ করেন।^{১৭} এটি তিরমিয়ের একটি গ্রাম। তিরমিয হ'তে এর দুরত্ব ৬ ফারসাখ।^{১৮} তাঁর পূর্বপুরুষ মারত হ'তে তিরমিয়ে এসে বসতি স্থাপন করেন।^{১৯}

শিক্ষাজীবনঃ

তিনি নিজ এলাকায় প্রাথমিক শিক্ষা সমাপন করেন। অতঃপর হেজায, মিছর, সিরিয়া, কুফা, বছরা, খোরাসান ও বাগদাদের শিক্ষাকেন্দ্র সমূহে সম্পূর্ণ খ্যাতনামা বিদ্যানগণের নিকট উচ্চশিক্ষা লাভ করেন। বিশেষ করে ইলমে হাদীছে তিনি ব্যাপক ড্রানার্জন করেন।^{২০}

দেশ ভ্রমণঃ

হাদীছ সংকলন ও সংগ্রহের জন্য তিনি বিভিন্ন দেশ ভ্রমণ করেন। বিশেষ করে তিনি খোরাসান, ইরাক, হেজায, কুফা, বছরা প্রভৃতি দেশে ভ্রমণ করে হাদীছ সংগ্রহ করেন।^{২১} এ সম্পর্কে ইবনু হাজার বলেন, ' طَافَ الْبَلَادَ ' তিনি 'وَسَمِعَ خَلْفًا مِنَ الْخُرَاسَانِيْنَ وَالْحِجَارِيْنَ ' তিনি বিভিন্ন দেশ ভ্রমণ করেন এবং খোরাসান ও হেজায়ের অনেক লোকের নিকট থেকে হাদীছ শ্রবণ করেন'।^{২২} ড. মুহুতফা আস-সাবান্তি বলেন, ' رَحِيلٌ إِلَى الْأَفْاقِ وَأَكْدَعَ عَنِ الْخُرَاسَانِيْنَ وَالْعِرَاقِيْنَ وَالْحِجَارِيْنَ حَتَّى غَدَرَ إِيمَانًا فِي الْحَدِيثِ ' তিনি প্রথিবীর বিভিন্ন প্রান্তে সফর করেছেন এবং খোরাসানী, ইরাকী ও হিজায়ীদের নিকট থেকে হাদীছ শ্রবণ করেছেন। এমনকি হাদীছ শাস্ত্রে একজন ইয়াম হিসাবে পরিগণিত হয়েছেন'।^{২৩}

৬. ড. শায়খ মুহুতফা আস-সাবান্তি, আস-সুন্নাহ ওয়া মাকানাতুহা ফী তাশরীয়িল ইসলামী (বৈজ্ঞানিক প্রেরণ: আল-মাকতুবল ইসলামী, ১৯৮৫/১৪০৫হিঃ), পৃঃ ৪৫০; মুকাদ্দমা তৃহক্ষাতুল আহওয়ায়ী, পৃঃ ২৬৭।
৭. আল্লামা শাহু আবদুল আবায়ী মুহাদ্দেছ দেহলভী, বৃত্তান্ত মুহাদ্দেছীন, উর্দু অনুবাদঃ মাওলানা আব্দুস সামী' (কর্তৃত: আহসান মাতাবি' ওয়া কারখানারে তৈজারাতে কৃতৃত, তা.বি.) পৃঃ ১৮৪।
৮. মুকাদ্দমা তৃহক্ষাতুল আহওয়ায়ী, পৃঃ ২৭০।
৯. আল-জামে আত-তিরমিয়া, অনুবাদ ও সম্পাদনা, মুহাম্মাদ মুসা (সঞ্চারণ বাংলাদেশ ইসলামিক সেটার, ১৯৯৪/১৪১৪হিঃ), ১ম খণ্ড, পৃঃ ২৬।
১০. এই, পৃঃ ২৬-২৭।
১১. বঙ্গামুল মুহাদ্দেছীন, পৃঃ ১৮৪; The new Encyclopaedia Britannica, V-11, P. 795; The Encyclopaedia of Islam, V-6, P-796.
১২. ইবনু হাজার আসকালানী, তাহরীরুত তাহরীর (বৈজ্ঞানিক দার্শন কৃত্তব্য ইলমিয়াহ, ১৯৯৪/১৪১৪হিঃ), ৯ম খণ্ড, পৃঃ ৩৩৫।
১৩. আস-সুন্নাহ ওয়া মাকানাতুহা, পৃঃ ৪৫৩।

শিক্ষক মণ্ডলীঃ

ইয়াম তিরমিয়ী অগণিত শিক্ষকের নিকট হ'তে হাদীছ শ্রবণ ও গ্রহণ করেন। তাঁর যুগে ইলমে হাদীছে এক বিরাট বিপ্লব চলছিল। এ বিপ্লবের প্রভাব সমকালীন যুগে সর্বত্র ছড়িয়ে পড়েছিল। এ বিপ্লব যাদের হাতে সাধিত হয়েছিল তন্মধ্যে ইয়াম মুহাম্মাদ বিন ইন্দ্রিসের নাম সবিশেষ উল্লেখযোগ্য। এছাড়া মুহাম্মাদ ইবনু ইসমাইল বুখারী (১৯৪-২৫৬ হিঃ), ইয়াম মুসলিম (২০৪-২৬১ হিঃ) আবুদাউদ (২০২-২৭৫ হিঃ) প্রমুখ। ইয়াম তিরমিয়ী তাঁদের ওত্তদানগণের নিকট থেকেও হাদীছ গ্রহণ করেন।^{২৪} তবে ইয়াম তিরমিয়ীর শিক্ষকগণের মধ্যে উল্লেখযোগ্য কয়েক জন হ'লেন, ইয়াম আহমাদ ইবনু হাবল (রহঃ), ইয়াম বুখারী, ইয়াম মুসলিম, আবুদাউদ আস-সিজিস্তানী, আলী ইবনু হজর মাঝুরী, হাম্মা ইবনু সিরো, কুতাইবা ইবনু সাদীদ, মুহাম্মাদ ইবনু বাশশার বুদ্দার, মুহাম্মাদ ইবনুল মুছান্না আবু মুসা, যিয়াদ ইবনু ইয়াইয়া আল-হাসসানী, আবুরাস ইবনু আব্দুল আয়ীম আল-আয়ীমী, আবু সাদিদ আল-আশাজ্জ, আবু হাফছ আমর, ইয়াকুব ইবনু ইবরাহীম, মুহাম্মাদ ইবনু মা'মার আল-কাইসী, নাছুর ইবনুল-জাহয়ী, আবদুল্লাহ ইবনু মু'আবিয়া আল-জামই, আবু মু'আব আহমাদ ইবনু আবি বকর আয-যুহরী, ইসামাইল ইবনু মুসা আল-ফায়ারী আস-সুন্দী প্রমুখ।^{২৫}

ছাত্রবৃন্দঃ

তাঁর নিকট থেকে অনেকে হাদীছ শুনেছেন এবং বর্ণনা করেছেন। তাঁদের মধ্যে প্রসিদ্ধ হ'লেন, আবু হামিদ আহমাদ ইবনু আবদুল্লাহ ইবনে দাউদ আল-মাঝুরী, আল-হাইছাম ইবনু কুলাইব আশ-শাশী, মুহাম্মাদ ইবনু মাহবূব আবুল আবাস আল-মাহবূবী আল-মাঝুরী, আহমাদ ইবনু ইউসুফ আন-নাসাফী, আবুল হারিছ, আসাদ ইবনু হামদুবিয়াহ, দাউদ ইবনু নাছুর ইবনে সুহাইল আল-বারয়ী, আবদ ইবনু মুহাম্মাদ ইবনে মাহমুদ আন-নাসাফী, মাহমুদ ইবনু নুয়াইর, মুহাম্মাদ ইবনু মাহমুদ, মুহাম্মাদ ইবনু মাক্কী ইবনে নৃহ, আবু জাফর মুহাম্মাদ ইবনু সুফিয়ান ইবনিন-নায়র, মুহাম্মাদ ইবনুল মুন্যির ইবনে সাইদ আল-হারুবী প্রমুখ।^{২৬}

স্মৃতিশক্তিঃ

ইয়াম তিরমিয়ী অসাধারণ স্মৃতি শক্তির অধিকারী ছিলেন। তাঁর স্মৃতিশক্তি সম্বন্ধে অনেক ঘটনা বর্ণিত আছে। তন্মধ্যে কয়েকটা প্রসিদ্ধ ঘটনা উল্লেখ করা হলোঃ ইয়াম তিরমিয়ী

১৪. অফায়তুল আইয়ান, ৪/৬১৩ পৃঃ; বৃত্তান্ত মুহাদ্দেছীন, পৃঃ ১৮৪।

১৫. শায়ারাতুল যাহাব, ২/১৭৫ পৃঃ; তাহরীরুত তাহরীর, ৯/৩০৫ পৃঃ; The Encyclopaedia of Islam, V-6, P-796; The new Encyclopaedia Britannica, V-11, P. 795.

১৬. তাহরীরুত তাহরীর, ৯/৩০৫ পৃঃ; মুকাদ্দমা তৃহক্ষাতুল আহওয়ায়ী, পৃঃ ২৬৭।

ব্রহ্ম বর্ষ ৩৮ সংখ্যা, মাসিক আত-তাহরীক ৮ষ বর্ষ ৩৮ সংখ্যা, মাসিক আত-তাহরীক ৮ষ বর্ষ ৩৮ সংখ্যা
ব্রহ্ম বর্ষ ৩৮ সংখ্যা, মাসিক আত-তাহরীক ৮ষ বর্ষ ৩৮ সংখ্যা, মাসিক আত-তাহরীক ৮ষ বর্ষ ৩৮ সংখ্যা

তাঁর কোন এক শিক্ষকের নিকট হ'তে অনেক হাদীছ শ্রবণ করেন এবং লিখে রাখেন, যা দু'খণ্ড বিশিষ্ট পাখুলিপি হয়েছিল। কিন্তু তিনি সে হাদীছ সমূহ তাঁর ঐ শিক্ষককে শুনানোর সুযোগ পাননি। হাত্থ করে মক্কা মুকারামা যাওয়ার পথে ঐ শিক্ষকের সাক্ষাৎ হওয়ায় তিনি তাকে হাদীছ শুনানোর আবেদন করলে শিক্ষক তাঁর আবেদন মঞ্জুর করে হাদীছ শুনতে রায়ী হয়ে যান। তিনি ইমাম তিরমিয়ীকে স্থীয় পাখুলিপি বের করে মিলিয়ে নিতে বলে হাদীছ পড়তে শুরু করলেন। কিন্তু ঘটনাক্রমে ইমাম তিরমিয়ীর নিকটে তখন ঐ পাখুলিপি দু'টি ছিল না। তিনি তখন দু'টি সাদা কাগজ বের করে তাতে হাত বুলাতে লাগলেন এবং শিক্ষকের পঠিত হাদীছ সমূহ শুনতে থাকলেন। হাত্থ শিক্ষকের দৃষ্টি তাঁর উপর পতিত হওয়ায় তাঁকে সাদা কাগজের উপর হাত বুলাতে দেখে শিক্ষক রেগে যান এবং বললেন, তুমি কি আমার সাথে ঠাট্টা করছ? ইমাম তিরমিয়ী বিনোদভাবে শিক্ষকের নিকট ঘটনা বর্ণনা করলেন এবং বললেন যদিও আমার কাছে লিখিত পাখুলিপি নেই কিন্তু ঐ সমস্ত হাদীছ আমার মুখস্থ আছে। শিক্ষক বললেন, ঠিক আছে তাহ'লে আমাকে পড়ে শুনাও! ইমাম তিরমিয়ী সমস্ত হাদীছ মুখস্থ শুনিয়ে দিলেন। শিক্ষক বললেন, মাত্র একবার পড়ায় সমস্ত হাদীছ তোমার মুখস্থ হয়ে গেছে, এটা আমার বিশ্বাস হচ্ছে না। ইমাম তিরমিয়ী বললেন, আপনার বিশ্বাস না হ'লে পরীক্ষা করে দেখতে পারেন। শিক্ষক তখন আরো ৪০টি নতুন হাদীছ বর্ণনা করলেন। ইমাম তিরমিয়ী তৎক্ষণাৎ বিশুদ্ধ ও নির্ভুলভাবে সমস্ত হাদীছ শুনিয়ে দিলেন। তখন শিক্ষক বলতে বাধ্য হ'লেন, 'আমি তোমার মত স্মৃতিশক্তি সম্পন্ন অন্য কাউকে দেখিনি'।^{১৭}

ইমাম আশেশুয়ী বর্ণনা করেন, একদা ইমাম তিরমিয়ী হজ্জ সফরকালে রাস্তায় কিছু মুহাদ্দিছীনের সাক্ষাৎ লাভ করে, হাদীছ শুনতে চাইলে তাঁরা বললেন, কলম ও দোয়াত নিয়ে এস। ইমাম তিরমিয়ী দোয়াত-কলম পেলেন না। তখন তিনি শিক্ষকের সামনে বসে সাদা কাগজের উপর আঙুল চালাতে লাগলেন। শিক্ষক হাদীছ বর্ণনা করতে লাগলেন। ৬০টির মত হাদীছ বর্ণনার পর শিক্ষকের দৃষ্টি কাগজের উপর পড়ায় তিনি কাগজ সাদা ও পরিষ্কার দেখতে পেয়ে রাগার্বিত হয়ে বললেন, 'তুমি আমার সময় নষ্ট করলে?' ইমাম তিরমিয়ী বললেন, আমি সমস্ত হাদীছ মুখস্থ করেছি। তিনি শৃঙ্খল সমস্ত হাদীছ শিক্ষককে শুনিয়ে দিলেন।^{১৮}

আবু সাঈদ আল-ইদরীসী বলেন, স্মৃতিশক্তির ক্ষেত্রে আবু ঈসাকে দিয়ে উদাহরণ দেওয়া যায়।^{১৯}

১৭. বৃত্তান্ত মুহাদ্দিছীন, পৃঃ ১৮৫; আল-জামেউছ ছহীহ, ১/৮৪০ পৃঃ;
শামসুদ্দীন আয়-যাহাবী, তায়কিরাতুল হফফায়, ২য় খণ্ড (বৈরুতঃ
দারুল কুরুবিল ইলমিয়াহ, তা.বি.), পৃঃ ৬৩৪-৩৫; তাহয়ীবুত
তাহয়ীব, ১/৩০৫-৩৬ পৃঃ।
১৮. মুকাদ্দামা তুহফাতুল আহওয়াবী, পৃঃ ২৬৯।
১৯. যাফরুল মুহাদ্দিছীন, পৃঃ ১৬৯; মুকাদ্দামা তুহফাতুল আহওয়াবী
পৃঃ ২৬৮।

সুউচ্চ মর্যাদাঃ

ইমাম তিরমিয়ী উচ্চ মর্যাদার অধিকারী ছিলেন। তাঁর উচ্চ মর্যাদা প্রমাণে এতটুকু বলাই যথেষ্ট যে, ইমাম তিরমিয়ীর শিক্ষক ইমাম বুখারীও তিরমিয়ীর নিকট থেকে হাদীছ শ্রবণ করেছেন। এহর্মে বুখারী বলেছেন, 'কাঁক্র আক্র মান্তব্য নিকট থেকে যতটুকু উপকার পেয়েছ, আমি তোমার দ্বারা তার চেয়ে বেশি উপকৃত হয়েছি'।^{২০} মুহাদ্দিছগণ তাঁকে ইমাম বুখারীর খলীফা বলতেন। ইমাম যাহাবী বলেন, তিনি বুখারীর মাধ্যমে হাদীছ শাস্ত্রে জ্ঞান লাভ করেন। ইমাম হাকীম মুসা ইবনু 'আলাক হ'তে বর্ণনা করেন, ইমাম বুখারীর ইতেকালের পরে খোরাসানে ইলম, স্মৃতিশক্তি, আল্লাহভীতি ও কৃচ্ছ্রতা সাধনে এবং দুনিয়ার প্রতি অনাসক্ত আবু ঈসার মত অন্য কাউকে রেখে যাননি।^{২১}

আল্লাহভীতিৎঃ

ইমাম তিরমিয়ী অত্যন্ত আল্লাহভীত ছিলেন। আল্লাহ'র ভয় তাঁর মধ্যে এতই প্রবল ছিল যে, তিনি শেষ বয়সে কাঁদতে কাঁদতে দৃষ্টিশক্তি হারিয়ে ফেলেন।^{২২} কেউ কেউ বলেন, তিনি জ্ঞানাঙ্ক ছিলেন। ইবনু হাজার আসকালানী ইউসুফ ইবন আহমাদ আল-বাগদাদী হ'তে বর্ণনা করেন, আবু ঈসা শেষ বয়সে দৃষ্টিশক্তি হারিয়ে ফেলেছিলেন।^{২৩} মুহাম্মাদ আন্দুর রহমান মুবারকপুরী বলেন, তিনি শেষ বয়সে অঙ্গ হয়ে গিয়েছিলেন এতে কোন মতবৈততা নেই।^{২৪} শাহ আন্দুল আয়ীয় বৃত্তান্ত মুহাদ্দিছীন এছে বলেছেন, ইমাম তিরমিয়ীর কৃচ্ছ্রতা ও আল্লাহভীতি এতই উচ্চ স্তরে পৌছে ছিল যে, তার অধিক কল্পনা করা যায় না। আল্লাহ'র ভয়ে কাঁদতে কাঁদতে এক পর্যায়ে তিনি তাঁর দৃষ্টিশক্তি বিসর্জন দেন।^{২৫}

(চলবে)

২০. তাহয়ীবুত তাহয়ীব, ১/৩০৫ পৃঃ।

২১. শামসুদ্দীন আয়-যাহাবী, সিয়াক আলামিন-নুবালা, ১৩ খণ্ড,
(বৈরুতঃ যামাস-সামাতুর রিসালাহ, ১৯৯৬/১৪১৭হিজী), পৃঃ
২৭৩; তায়কিরাতুল হফফায়, ২/২৩৪ পৃঃ।

২২. যাফরুল মুহাদ্দিছীন, পৃঃ ১৬৯।

২৩. তাহয়ীবুত তাহয়ীব, ১/৩০৬ পৃঃ; সিয়াক আলামিন নুবালা,
১৩/২৭১ পৃঃ।

২৪. মুকাদ্দামা তুহফাতুল আহওয়াবী, পৃঃ ২৭২।

২৫. বৃত্তান্ত মুহাদ্দিছীন, পৃঃ ১৮৫; যাফরুল মুহাদ্দিছীন, পৃঃ ১৬৯।

প্রতিজ্ঞে পাঠক প্রতিমাসে একজন করে
 পাঠক তৈরী করুন। শিরকমুক্ত সমাজ
 গঠনে সহযোগিতা করুন।

মনীষী চরিত

ইমাম তিরমিয়ী (রহঃ)

মুহাম্মদ কাবীরুল ইসলাম*

(পূর্ব প্রকাশিতের পর)

অনুসূত মাযহাবঃ

কোন কোন বিদ্বান মনে করেন ইমাম তিরমিয়ী শাফেট মাযহাবের অনুসারী ছিলেন। আবার কেউ কেউ বলেন, তিনি হাস্তলী মাযহাব অনুসরণ করতেন। এসব কথা ভিত্তিহীন। প্রকৃত কথা হ'ল তিনি শাফেট বা হাস্তলী ছিলেন না, তেমনি তিনি মালেকী ও হানাফী মাযহাবের অনুসারীও ছিলেন না; বরং তিনি ছিলেন ‘আছহাবুল হাদীছ’ বা হাদীছের অনুসারী এবং হাদীছ অনুযায়ী তিনি আমল করতেন। তিনি মুজতাহিদ ছিলেন, কোন ব্যক্তির অঙ্গ অনুসারী ছিলেন না।^{১৬}

গ্রন্থাবলীঃ

ইমাম তিরমিয়ী প্রণীত কয়েকটি গ্রন্থের উল্লেখ পাওয়া যায়।
সেগুলি হচ্ছেঃ
(১) আল-জামিউছ-ছহীহ (তিরমিয়ী) (২) আশ-শামায়িল
(৩) আল-ইলাল (৪) আত-তারীখ
(৫) আয-যুহুদ (৬) আল-আসমা ওয়াল কুনা।^{১৭}

ইত্তেকালঃ

ইমাম তিরমিয়ীর মৃত্যুকাল সম্পর্কে মতভেদে রয়েছে।
সাম'আনী বলেন, তিনি ২৭৫ হিজরী সনে ‘বুগ’ প্রামে ইত্তেকাল করেন। শায়খ আবিদ আস-সিনদী বলেন, তিনি ২০৯ হিঃ সালে জন্মগ্রহণ করেন, ৬৮ বৎসর জীবনধারণ করেন এবং ২৭৭ হিঃ সালে মৃত্যুবরণ করেন।^{১৮} ইবনু খালিকান সাম'আনী থেকে বর্ণনা করেন, তিনি ‘বুগ’ প্রামে ২৭৯ হিজরীতে মৃত্যুবরণ করেন।^{১৯} তবে সঠিক তারিখ হ'ল তিনি ২৭৯ হিজরী সনের ১৩ই রজব^{২০} রবিবার দিবাগত রাতে^{২১} ৭০ বৎসর বয়সে তিরমিয় শহরে ইত্তেকাল করেন।^{২২}

২৬. মুকাদ্দমা তুহফাতুল আহওয়ায়ী, পৃঃ ২৭৭।

২৭. ইবনু নাদীম, আল-ফিহরিত (বৈরুতঃ মাকতাবাতুল খাইয়াত, ১৯৭২ খঃ), পৃঃ ২৩৩; আল-জামিউছ ছহীহ, ১/৯০ পৃঃ; অক্ষয়াতুল আইয়ান, ৪/৬১৩ পৃঃ।

২৮. আল-জামিউছ ছহীহ, ১/৯০ পৃঃ; মুহাম্মদ ইবনু ইসমাইল আল-আমীর আল-ইয়ামানী, সুব্রহ্মস সালাম, (বৈরুতঃ দারুল কৃত্তিবিল আরাবী ১৪১০হিঃ) ১/২৯ পৃঃ।

২৯. মুকাদ্দমা তুহফাতুল আহওয়ায়ী, পৃঃ ২৭০; সিয়ারুল আলামিন নুবালা, ১৩/২৫ পৃঃ।

৩০. আবু আবদুল্লাহ মুহাম্মদ ইবনু আহমাদ আয়-যাহাবী, মীয়ানুল ই'তিদাল (বৈরুতঃ দারুল মারিফা, তা.বি.), ৩/৬৭৮ পৃঃ; তাহয়ীবুত তাহয়ীব, ১/৩০৫ পৃঃ।

৩১. অক্ষয়াতুল আইয়ান, ৪/৬১৩ পৃঃ; কেউ কেউ বলেন, তিনি ২১৫ হিঃ সালের ১১ই মুহাররম ইত্তেকাল করেন। দ্রুঃ এই, ৪/৬১৩ পৃঃ।

৩২. আস-সন্মাহ ওয়া মাকানাতুহ, পৃঃ ৪৫০।

ইমাম তিরমিয়ী (রহঃ) সম্পর্কে মনীষীদের মতামতঃ

১. আবু হাতিম ইবন হিবান স্থীয় থেকে বলেন, কানْ أَبُو عِيسَى مِنْ جَمْعٍ وَصَنْفٍ وَهَفْظٍ وَذَكْرٍ ‘আবু সুসা (রহঃ) ছিলেন এই সকল বিদ্বানগণের অন্তর্ভুক্ত, যাঁরা হাদীছ জমা করেছেন, এছ রচনা করেছেন এবং হাদীছ সংরক্ষণ ও মুখ্যস্থ করেছেন’।^{২৩}

২. আবু সাঈদ আল-ইদরীসী বলেন, কানْ أَبُو عِيسَى ‘আবু সুসা তিরমিয়ী (রহঃ) ছিলেন এমন ব্যক্তি, স্মৃতিশক্তির ক্ষেত্রে যাকে দিয়ে উদাহরণ দেওয়া হ'ত’।^{২৪}

৩. আবু ইয়ালা আল-খলীলী স্থীয় থেকে বলেন, مُحَمَّدُ بْنُ عِيسَى بْنُ سَوْرَةَ بْنِ شَدَادٍ ‘মুহাম্মদ ইবনু সুসা ইবনে সাওরাহ ইবনে শাদাদ যে হাদীছের একজন হাফেয ছিলেন, এ ব্যাপারে সকলে একমত’।^{২৫} অন্যত্র তিনি বলেন, ‘قَدْ تَفَقَّدَ عَلَيْهِ ‘তিনি বিশ্বস্ত ও নির্ভরযোগ্য, এ ব্যাপারে একমত হয়েছে’।^{২৬}

৪. আবু মাহবুব ও আল-আজলা বর্ণনা করেন, هُوَ مُشْهُورُ بِالْمَائَةِ وَالْإِمَامَةِ وَالْعِلْمِ ‘তিনি আমানতদারী (বিশ্বস্ততা), ইমামত ও জ্ঞান-গরিমায় প্রসিদ্ধ ছিলেন’।^{২৭}

৫. ইবনু খালিকান বলেন,
أَبُو عِيسَى بْنُ الصَّحَّাকِ السُّلْمَانيِّ الضَّرِيرِ الْبُوغِيِّ
الترْمِذِيِّ الْحَافِظُ الْمَشْهُورُ أَحَدُ الْئَمَّةِ الَّذِينَ
يُقْتَدَى بِهِمْ فِي عِلْمِ الْحَدِيثِ -

‘আবু সুসা মুহাম্মদ ইবনু সুসা ইবনে সাওরাহ ইবনে মুসা ইবনে য়হাক আস সুলামী আয-যাহীর আল-বুগী আত-তিরমিয়ী ছিলেন প্রসিদ্ধ হাফিয এবং তিনি এই সকল ইমামগণের অন্যতম, ইলমে হাদীছে যাদের অনুসরণ করা হয়’।^{২৮}

৩৩. ইবনু কাশীর, আল-বিদায়াহ ওয়ান নিহায়াহ (কামরোঃ দারুর
রাইয়ান লিততুরাহ, ১ম সংক্রণ, ১৯৮৮/১৪০৮হিঃ) ৬ষ্ঠ খণ্ড,
১১শ জুয়েল, পৃঃ ১১; সিয়ারুল আলামিন নুবালা, ১৩/ ২৭৩ পৃঃ।

৩৪. এই।

৩৫. আল-বিদায়াহ ওয়ান নিহায়াহ, ৬ষ্ঠ খণ্ড, ১১শ জুয়েল, পৃঃ ৭১।

৩৬. তাহয়ীবুত তাহয়ীব, ১/৩০৫পৃঃ।

৩৭. আল-বিদায়াহ ওয়ান নিহায়াহ, ৬ষ্ঠ খণ্ড, ১১শ জুয়েল, পৃঃ ৭১।

৩৮. শায়ারাতুয় যাহাব, ২/১৭৫পৃঃ; তাহয়ীবুত তাহয়ীব, ১/৩০৫পৃঃ।

হাদীছ শাস্ত্রে ইমাম তিরমিয়ী (রহঃ)-এর অবদানঃ

হাদীছ শাস্ত্রে ইমাম তিরমিয়ীর অবদান অপরিসীম। ইলমে হাদীছে তাঁর অনবদ্য অবদানের জন্য তিনি ইসলামী বিশ্বে অবরোধ হয়ে আছেন। ‘আল-জামিউচ ছহীহ’ তাঁর অবদানের সবচেয়ে বড় স্বীকৃতি ও প্রমাণ। জামে’ তিরমিয়ীর বৈশিষ্ট্যবলী ও হাদীছ গ্রহণে তাঁর শর্তাবলী আলোচনা করলেই ইলমে হাদীছে ইমাম তিরমিয়ীর অবদান সুস্পষ্ট রূপে প্রতিভাব হয়ে উঠবে।

আল-জামিউচ ছহীহ সংকলনঃ

‘জামে’ তিরমিয়ী’ তাঁর সর্বাধিক প্রসিদ্ধ ও গ্রহণযোগ্য গ্রন্থ। ইমাম তিরমিয়ী তাঁর এ গ্রন্থ খানা ইমাম আবুদাউদ ও ইমাম বুখারী (রহঃ)-এর অনুসৃত গ্রন্থ প্রণয়ননীতি অনুযায়ী লিপিবদ্ধ করেছেন। প্রথমত এতে ফিক্ৰহের অনুরূপ অধ্যায় রচনা করা হয়েছে। এতে ব্যবহারিক জীবনের প্রয়োজনীয় হাদীছ সমূহ সন্নিবেশিত করেছেন। সে সঙ্গে বুখারীর ন্যায় জীবন চরিত, শিষ্টাচার, তাফসীর, আকীদা-বিশ্বাস, বিশ্রংখলা, বিপর্যয়, আহকাম, যুদ্ধ-সন্দি, প্রশংসা ও মর্যাদা ইত্যাদি বিষয়ের হাদীছও সংযোজিত করেছেন। ৩৯ ফলে গ্রন্থখনি এক অপূর্ব সমৱয়, এক ব্যাপক গ্রন্থে পরিণত হয়েছে। এ কারণে এ গ্রন্থের ‘জামি’ নাম সার্থক হয়েছে। ইমাম তিরমিয়ী এতে বিভিন্ন বিষয়ের অতি প্রয়োজনীয় হাদীছ সমূহ সুন্দরভাবে সজ্ঞিত করেছেন। এজন হাফিয় আবু জা’ফর ইবনু মুবাই ‘কৃতুবুস সিন্তাহ’ সম্পর্কে আলোচনা প্রসঙ্গে বলেছেন,

وَلِتَرْمِذِيُّ فِي قُنْوَنِ الصَّنَاعَةِ الْحَدِيثِيَّةِ مَالِمْ
يُشَارِكُهُ غَيْرُهُ

‘ইমাম তিরমিয়ী ইলমে হাদীছে গ্রন্থ প্রণয়নের ক্ষেত্রে অবিসংবাদিত’^{৩৯}

ইমাম তিরমিয়ী তাঁর এ গ্রন্থ প্রণয়ন সমাপ্ত করে তদানীন্তন মুসলিম জাহানের হাদীছবেতাগণের নিকট এটা যাচাই করার জন্য পেশ করেন। এ সম্পর্কে তিনি নিজেই বলেন,

صَنَفْتُ هَذَا الْمُسْنَدَ الصَّحِيحَ وَعَرَضْتُهُ عَلَى عُلَمَاءِ الْجَمَارَ فَرَضُوا بِهِ وَعَرَضْتُهُ عَلَى عُلَمَاءِ خُرَاسَانَ فَرَضُوا بِهِ

‘আমি এ সনদযুক্ত হাদীছ গ্রন্থখনি প্রণয়ন করে একে হিজায়ের হাদীছবিদের সমীপে পেশ করলাম। তাঁরা এটা

৩৯. মাওলানা মুহাম্মদ আব্দুর রহীম, হাদীস সংকলনের ইতিহাস (চাকাঃ ইসলামিক ফাউন্ডেশন বাংলাদেশ ১৯৯২/১৪১২হিঁ), পৃঃ ৫২৮; ইসলামী সংস্কৃতির ইতিহাস, পৃঃ ৯০; যাফরুল মুহাম্মদীন, পৃঃ ১৭২।

৪০. হাদীস সংকলনের ইতিহাস, পৃঃ ৫২৪-২৫; ইসলামী সংস্কৃতির ইতিহাস, পৃঃ ৯০।

দেখে খুবই পসন্দ করলেন ও সন্তোষ প্রকাশ করলেন। এরপর আমি এ গ্রন্থকে খুরাসানের মুহাদিছগণের খেদমতে পেশ করলাম। তাঁরাও একে অত্যন্ত পসন্দ করেন এবং সন্তোষ প্রকাশ করেন’^{৪১}

জামে’ তিরমিয়ী সংকলনের উদ্দেশ্যঃ

শাহ্ ওয়ালী উল্লাহ মুহাদেছ দেহলভী স্বীয় হজ্জাতুল্লাহিল বালিগাহ গ্রন্থে বলেন, বুখারী ও মুসলিম (রহঃ)-এর গ্রন্থ প্রণয়ন পদ্ধতি ছিল সন্দেহ দ্রৌকরণ, ব্যাখ্যা-বিশ্লেষণ বা শরী’আতের আহকাম সম্পত্তিরূপে বর্ণনা। আর ইমাম আবু দাউদের পদ্ধতি ছিল ফকীহগণ যে সমস্ত হাদীছ দ্বারা প্রমাণ উপস্থাপন করতে পারেন সে সকল হাদীছ বর্ণনা। ইমাম তিরমিয়ী এই উভয় পদ্ধতির মধ্যে সমর্য সাধান করে অত্যন্ত গ্রহণযোগ্য পদ্ধতি অবলম্বন করে ‘জামে’ তিরমিয়ী’ প্রণয়ন করেছেন। এছাড়া তিনি ছাহাবী, তাবেঙ্গি ও ফকীহগণের মাযহাব (মতামত)-এর প্রতিও ইঙ্গিত করেছেন। তিনি পরিত্যাজ্য মাযহাব সমূহও বর্ণনা করেছেন। যেমন- ইমাম আওয়াঙ্গি, সুফিয়ান ছাওরী, ইসহাক ইবনু ইবরাহীম প্রমুখের মাযহাব। এ গ্রন্থ ছাড়া এসব মাযহাব সম্পর্কে স্বচ্ছ জ্ঞান লাভ অত্যন্ত দুর্কণ বটে। তেমনি এই গ্রন্থ প্রণয়নের মাধ্যমে তিনি আহকাম-এর ক্ষেত্রে মাযহাবী ধারাবাহিকতার অসংখ্য গ্রন্থ অধ্যয়ন করা থেকে মানুষকে অমুখাপেক্ষী করেছেন। এ থেকে অনুধাবন করা যায় যে, তাঁর সবচেয়ে বড় উদ্দেশ্য ছিল এ সমস্ত হাদীছ একক্রিত করা, যার দ্বারা কোন মুজতাহিদ দলীল প্রাপ্ত করেন। এমনকি ইমামগণের অভিমত বর্ণনা ও তাঁর অন্যতম উদ্দেশ্য ছিল।^{৪২}

হাদীছ গ্রহণে ইমাম তিরমিয়ীর শর্তাবলীঃ

হাদীছ গ্রহণের ক্ষেত্রে ইমাম তিরমিয়ী কতিপয় শর্তাবলীর প্রতি তাঁক্ষ দৃষ্টি রাখতেন। শর্তগুলি নিম্নরূপঃ

(১) ছহীহইন তথা বুখারী ও মুসলিমে উদ্বৃত্ত “সমস্ত হাদীছই গ্রহণযোগ্য।

(২) প্রধানত ইমাম বুখারী ও ইমাম মুসলিমের আরোপিত শর্তে যেসব হাদীছই উত্তীর্ণ ও ছহীহ প্রমাণিত হবে তা গ্রহণীয়।

(৩) ইমাম আবু দাউদ ও ইমাম নাসাই যেসব হাদীছ গ্রহণ করেছেন এবং তাদের দোষ-ক্রতি দূর করে দিয়েছেন তাও গ্রহণীয়।

(৪) ফিকহবিদগণ যেসব হাদীছ অনুযায়ী আমল করেছেন তাও গ্রহণীয়।

(৫) যেসব হাদীছের মূল প্রতিপাদ্য বিষয় হবে এমন এক নির্দেশ যা সব সময়ই কার্যকর হয়েছে, তাও গ্রহণীয়।

৪১. তায়কিরাতুল হফফায়, ২/১২২-২৩ পৃঃ; সিয়ারু আলামিন মুবালা, ১৩/২৭৪ পৃঃ; মকান্দামা তুহফাতুল আহওয়ায়ী, পৃঃ ২৮১।

৪২. যাফরুল মুহাম্মদীন, পৃঃ ১৭২।

মাসিক আত-তাহরীক ৮ম বর্ষ পংশ সংখ্যা মাসিক আত-তাহরীক ৮ম বর্ষ পংশ সংখ্যা মাসিক আত-তাহরীক ৮ম বর্ষ পংশ সংখ্যা মাসিক আত-তাহরীক ৮ম বর্ষ পংশ সংখ্যা

(৬) যেসব ছিকুহ বর্ণনাকারীর সমালোচনা করা হয়েছে এবং তাদের সম্পর্কে সবকিছু সুস্পষ্টরূপে প্রকাশিত হয়েছে, তাঁদের হাদীছ সমূহও গৃহণীয়।

(৭) যেসব বর্ণনাকারীর বর্ণিত হাদীছ সমূহের সমালোচনা করা হয়েছে এবং তাঁদের বিশ্বস্ততাও প্রমাণিত হয়েছে তাঁদের বর্ণিত হাদীছও গ্রহণযোগ্য।^{৪৩}

জামে' তিরমিয়ীর বৈশিষ্ট্যঃ

ইমাম তিরমিয়ী প্রণীত 'আল-জামে' কতিপয় অনন্য বৈশিষ্ট্য মণ্ডিত যা তাঁকে হাদীছ শাস্ত্রে এক সুউচ্চ স্থানে অধিষ্ঠিত করেছে এবং তাঁকে এক বিশেষ স্বাতন্ত্র্য দান করেছে।

‘জামে’ তিরমিয়ীর মধ্যে কোন মাওয়ু (জাল) হাদীছ নেৰু।

২. এ ঘন্টের মধ্যে সন্নিবেশিত সমস্ত হাদীছের মধ্যে মাত্র দু'টি হাদীছ ব্যক্তিত অন্য হাদীছের উপর উপরে মুহাম্মদীয়ার বেটে না কেউ আমল করে।

৩. জামে' তিরমিয়ীতে একটি ছুলাছী হাদীছ আছে।

৪. এ ঘন্টে ছাহাবী, তাবেঙ্গ এবং বিভিন্ন ফকীহগণের মাযহাব বা মতামত উল্লেখিত হয়েছে।

৫. এতে প্রত্যেক হাদীছ সম্পর্কে সমালোচনা উপস্থাপিত হয়েছে যে, হাদীছটি ছহীহ, হাসান, যঈফ বা মুনকার। সাথে সাথে যঈফ হওয়ার কারণও বর্ণনা করা হয়েছে, যাতে ছাত্ররা এর প্রতি দৃষ্টি দেয় এবং এর উপর ভিত্তি করে অন্যগুলি সঠিক কি-না তা জানতে পারে।

আল্লামা শাহ আবদুল আয়ীয় বৃত্তান্ত মুহাদ্দেছীন ঘন্টে বলেন, ইলমে হাদীছ সম্পর্কে তিরমিয়ীর অনেক গ্রন্থ আছে। সেগুলির মধ্যে 'আল-জামে' সবচেয়ে সুন্দর বরং সেটা সমস্ত হাদীছ ঘন্টের মধ্যে সর্বোৎকৃষ্ট নিমোন দিক থেকেঃ

* এটা সুন্দরভাবে সুবিন্যাস্ত এবং সুসজ্জিত ও পুনরুল্লেখ মুক্ত।

* এতে ফকীহগণের মাযহাব প্রত্যেকের স্ব স্ব দলীলসহ উল্লেখিত হয়েছে।

* এতে হাদীছের প্রকার যেমন ছহীহ, হাসান, যঈফ, গৱীব, মু'আল্লাল ইত্যাদি বর্ণিত হয়েছে।

* এতে বর্ণনাকারীদের নাম, উপাধি, উপনাম বর্ণনা করা হয়েছে।

৬. তিরমিয়ীতে জামে' ৮ বিষয় তথ্য জীবন চরিত, শিষ্টাচার, তাফসীর, আক্তীদা-বিশ্বাস, বিশৃংখলা, আহকাম, সক্ষি, মর্যাদা ইত্যাদি সম্পর্কিত হাদীছ থাকায় তাকে জামে' বলা হয়। আর ফিকুহের মত আহকাম সম্পর্কিত হাদীছ বিভিন্ন অধ্যায়ে সজ্জিত বিধায় তাকে সুনানও বলা হয়。^{৪৪}

৪৩. হাদীস সংকলনের ইতিহাস, পঃ ৬০৪।

৪৪. মুকাদ্দামা তুহফাতুল আহওয়ায়ী, পঃ ২৭৬-২৯০; বৃত্তান্ত মুহাদ্দেছীন, পঃ ১৮৫; যাফরুল মুহাছিলীন, পঃ ১৭৩-৭৬।

জামে' তিরমিয়ীর স্থানঃ

কাশফুয় যুনুন ঘন্টে বলা হয়েছে ছয়টি হাদীছ ঘন্টের মধ্যে জামে' তিরমিয়ী তৃতীয়। অর্থাৎ এর স্থান ছাইহাইন-এর পরে। যাহাবী বলেন, তিরমিয়ীর স্থান সুনানে আবুদাউদ ও নাসাইরের পরে। তায়কিরাতুল হফ্ফায ঘন্টে বলা হয়েছে, তিরমিয়ীর স্থান আবুদাউদের পরে এবং নাসাইরের আগে। আল্লামা সযুতীও একুশ বলেছেন। মুনাবী 'ফায়লুল হাদীর' ঘন্টে বলেন, মর্যাদার দিক থেকে জামে' তিরমিয়ীর স্থান 'কুতুবুস সিন্তাহ'র মধ্যে তৃতীয়।^{৪৫}

জামে তিরমিয়ী সম্পর্কে বিদ্বানগণের অভিমতঃ

ইমাম তিরমিয়ী স্বয়ং তাঁর ঘন্ট সম্পর্কে মন্তব্য করতে গিয়ে উর্পত্তি কৃতাব্দী হাদীছ স্বাতন্ত্র্যের ক্ষেত্রে একটি বিশেষ স্থান।
الْمُسْمَى بِالْجَامِعِ عَلَيْهِ عُلُمٌ الْحِجَازُ وَالْعِرَاقُ وَالخُرَاسَانُ فَرَضَوْا بِهِ

'আমি জামি' নামক এই কিতাব হেজায, ইরাক ও খোরাসানের বিদ্বানগণের নিকট পেশ করলে তাঁরা এর প্রতি সম্মত প্রকাশ করেন।^{৪৬} তিনি আরো বলেন,

وَمَنْ كَانَ فِي بَيْتِهِ هَذَا الْكِتَابُ فَكَانَمَا فِي بَيْتِهِ
'যার ঘরে এ ঘন্টখানা থাকবে মনে করা হবে
যে, তাঁর ঘরে স্বয়ং নবী (ছাঃ) অবস্থান করছেন ও কথা
বলছেন'^{৪৭}

বস্তুতঃ প্রত্যেক হাদীছ ঘন্ট বিশেষতঃ ছহীহ হাদীছের ঘন্ট সমূহের এটাই সঠিক মর্যাদা এবং এটা কেবল তিরমিয়ীর ক্ষেত্রে নয় বরং সকল ছহীহ হাদীছ ঘন্ট সম্পর্কে এ কথা প্রযোজ্য ও অকাট্য সত্য।

তিরমিয়ী সাধারণ পাঠকদের জন্য একখানা সুখপাঠ্য ও সহজবোধ্য হাদীছ গ্রন্থ। শায়খুল ইসলাম হাফিয় ইমাম আবু ইসমাইল আবদুল্লাহ আনছারী তিরমিয়ী সম্পর্কে বলেন,

كِتَابُهُ عَنْدِيْ أَنْفُعُ مِنْ كِتَابِ الْبُخَارِيِّ وَمُسْلِمٌ لَأَنَّ
كِتَابَ الْبُخَارِيِّ وَمُسْلِمٌ لَأَيْقَنَ عَلَى الْفَائِدَةِ مِنْهُمَا
الْأَمْتَبَحُ الرَّعَالِمُ وَكِتَابُ أَبِي عِيسَى يَصِلُ إِلَيْ
فَائِدَتِهِ كُلُّ أَخْذٍ مِنَ النَّاسِ۔

'আমার দৃষ্টিতে জামে' তিরমিয়ী বুখারী ও মুসলিম ঘন্টদ্বয় অপেক্ষা অধিক ব্যবহার উপযোগী। কেননা বুখারী ও

৪৫. মুকাদ্দামা তুহফাতুল আহওয়ায়ী, পঃ ২৮৮।

৪৬. বৃত্তান্ত মুহাদ্দেছীন, পঃ ১৮৬।

৪৭. আল-জামিউল ছহীহ, ১/৮৮ পঃ; মুকাদ্দামা তুহফাতুল আহওয়ায়ী, পঃ ২৮৬।

সামিক আত-তাহরীক ৮ষ বর্ষ ১৫ সংখ্যা, সামিক আত-তাহরীক ৮ষ বর্ষ ১৫ সংখ্যা।

মুসলিম এমন হাদীছহস্ত যা হ'তে কেবল বিশেষ পারদর্শী আলেম ব্যতীত অপর কেউ ফায়দা লাভ করতে সমর্থ হয় না। কিন্তু ইমাম আবু সৈসার গ্রন্থ হ'তে যেকোন লোক উপকারিতা হাস্তি করতে পারে’।^{৪৮}

হাফিয ইবনুল আলীর জামেউল উচ্চুল গ্রন্থে বলেন, ‘তিরমিয়ীর কেতাব ‘জামেউহ ছইহ’ সর্বোৎকৃষ্ট, অধিক ফায়দা দানকারী, অত্যন্ত সুন্দরভাবে সজিত এবং সর্বনিম্ন পুনরঃপ্রেরিত গ্রন্থ। এতে যা আছে, অন্যান্য গ্রন্থে তা নেই। এতে প্রামাণ সহ বিভিন্ন মায়ার উল্লেখ করা হয়েছে এবং ছইহ, ঘষ্টফ, গরীব প্রভৃতি হাদীছের অবস্থার সুস্পষ্ট বর্ণনাও এতে স্থান পেয়েছে।^{৪৯}

জামে’ তিরমিয়ীর হাদীছ সংখ্যা:

ইয়াম তিরমিয়ী তাঁর সংগৃহীত পাঁচ লক্ষ হাদীছের মধ্য হ'তে মাত্র ১৬০০ হাদীছ নির্বাচন করে ‘জামে’ তিরমিয়ী। গ্রন্থে লিপিবদ্ধ করেছেন।^{৫০} এতে ৪৬টি পৰ্ব এবং ২১১৪টি অধ্যায় আছে।

উপসংহারণ:

পরিশেখে আমরা বলতে পারি হাদীছ শাস্ত্রে ইয়াম তিরমিয়ী ছিলেন এক জ্যোতির্য উজ্জ্বল নক্ষত্র। ‘জামে’ তিরমিয়ী সংকলন করে তিনি যে জ্যোতি বিশ্বময় ছড়িয়ে দিয়েছেন তার আলোকচ্ছটায় সারা বিশ্ব আলোকোঙ্গাসিত। তাঁর এ অনবদ্য অবদানের কারণে ইলমে হাদীছে এক অপরিসীম পরিবর্তন সাধিত হয়েছে। তাই তাঁর এ অবদানের কথা বিশ্ববাসী আজীবন শ্রদ্ধাভরে স্মরণ করবে।

/সমাপ্ত/

৪৮. এই হাদীছ সংকলনের ইতিহাস, পৃঃ ২৬; আল-জামিউহ ছইহ, ১/৩৭-৮৮ পৃঃ।

৪৯. মুকাদ্দমা তুহফাতুল আহওয়ায়ী, পৃঃ ২৮।

৫০. ইসলামী সংক্ষিপ্ত ইতিহাস, পৃঃ ৯১।

বের হয়েছে! বের হয়েছে!!

খ্যাতনামা মুহাম্মদ আলুমা নাছীরন্দীন আলবানী প্রণীত
মুহাম্মদ আকমল হসাইন অনুদিত

যশ জাল হাদীছ সিরিজ

এবং উন্মত্তের মাঝে তার পুরুত্বাব ২য় খণ্ড বের হয়েছে।
আপনার কপির জন্য আজই যোগাযোগ করুন।

প্রাপ্তিস্থান:

১। মাওলানা বদীউয়ামান

আল-মারকায়ুল ইসলামী আস-সালাফী, নওদাপাড়া,
রাজশাহী। ফোন- (০৭২১) ৭৬১৩৭৮।

২। ইসলামী শিক্ষা ও সংস্কৃতি ইনসিটিউট কায়ীবাড়ী, উত্তর খান, উত্তরা, ঢাকা-১২৩০। ফোন- ০১৭২৮৫৫১২৪, ০১৯৩২১৭২৬

৩। তাওহীদ প্রেস এণ্ড প্রাবলিকেশন্স

৯০ হাজী আদুল্লাহ সরকার লেন, বংশাল, ঢাকা- ১১০০,
ফোন- ৭১১২৭৬২, ০১৭১৬৪৬৩৯।

৪। প্রিস মেডিকেল স্টোর, ঢাকার গোপ, কলির বাজার, নারায়ণগঞ্জ। ফোনঃ ৭৬১৩০৮৩।

গল্লের মাধ্যমে জ্ঞান

শুণবতী পুত্রবধু

একজন সচরিত্বান ও উচ্চ শিক্ষিত সরকারী কর্মচারীর একমাত্র পুত্র সন্তান। স্বামী-স্ত্রীর একান্ত আশা একটি কন্যা সন্তান তাদের ঘরে আসুক। তাদের সে আশা যখন প্রণ হ'ল না, তখন তারা সিদ্ধান্ত নিলেন, পুত্রটি বিয়ের উপযুক্ত হ'লে তাকে দেখেশুনে এমন একটি মেয়ের সাথে বিয়ে দিবেন, যে কন্যার অভাব প্রণ করতে পারবে। ছেলেকে তার লেখাপড়া শিখিয়ে ইঞ্জিনিয়ার করেছেন। ছেলে সরকারী চাকরীতেও নিয়োজিত। এখন তাকে বিয়ে দিতে হয়। তারা যেমনটি চেয়েছিলেন, তাদের ভাগ্যে তেমনই মিলে গেল। মেয়েটি খুব সুন্দরী এবং একজন ডাক্তার। ব্যবহারও উত্তম। শুণুর-শাশুড়ী বৌমাকে কন্যার আদরে ডাকেন। তারা কথমও তাকে বৌমা ডাকেন না। মনোয়ারার ডাক নাম মিন বলেই তারা ডাকেন এবং তুমি না বলে তুই বলে সংবোধন করেন। মিনু সচরিত্বা মেয়ে তাই সে শুণুর-শাশুড়ীর আদরের ডাকে সাথে সাড়া দেয়। সে যেন আপন পিতা-আতার পরিবর্তে আরেক আপন পিতা-যাতা পেয়েছে। কাজেই পরিবারে কোনরূপ অশান্তি নেই।

পিতা চাকরী হ'তে অবসর নিয়েছেন। তিনি এখন নিচিতে অবসর জীবন যাপন করেছেন। ছেলে চাকরী করে মোটা টাকা উপার্জন করে। বৌমাও চাকরী করে। তাই সংসারে কেন অভাব নেই। একদিন ছেলে তার স্ত্রীর হাতে মোটা অংকের কিছু টাকা তুলে দিয়ে যত্নসহকারে রাখতে বলে। কিন্তু স্ত্রীর মনে সন্দেহ দেখা দেয়। নিচয়ই এত টাকা বেতনের নয়। তাই স্বামীকে জিজেস করল, এত টাকা কিসের? ছেলে বলল, জিজেস করার দরকার কি, টাকা তুলে রাখতে দিয়েছি, তুলে রাখ। স্ত্রীর একই কথা, আগে বল এত টাকা তুমি কিভাবে পেয়েছ? নিচয়ই এটাকা ঘুমের। স্বামী বলল, তুমি না রাখলে দাও আমি তুলে রাখছি। সেদিন থেকে স্বামী-স্ত্রীতে একটুখনি অর্মিল দেখা দিল। স্ত্রী চায় না স্বামী ঘুম গ্রহণ করুক। কিন্তু ছেলের বুঝ টাকাটাই সব। টাকা থাকলে সব কিছু সংস্কর।

পিতাও ছেলের উপার্জনের বেশ আগ্রহ দেখে বুঝেছিলেন, সে অসং উপায়ে টাকা উপার্জন করছে। তাই তিনি একদিন ছেলেকে অসংভাবে টাকা উপার্জন করতে নিয়ে সাথে সাথে সতর্ক করে দিলেন। ছেলে পিতা ও স্ত্রীর উপদেশে কান না দিয়ে নির্বিচারে টাকা আয় করতে থাকে। এই অবৈধ উপার্জন দ্বারা সে অভিজ্ঞত এলাকায় একটি ফ্ল্যাট বাড়ী ত্রয় করে। একদিন সে স্ত্রীকে বলেছে, আমরা নতুন বাড়ীতে উঠে যাব। বাবা-মা এ বাড়ীতে থাকবেন। স্ত্রী সাথে সাথে প্রতিবাদ করে বলল, কেন? আমরা সবাই নতুন বাড়ীতে উঠব। এ বাড়ী ভাড়া দেওয়া হবে। ছেলে বলল, আয়ায়ি-স্বজন থেকে একটু দূরে থাকা ভাল। স্ত্রী তখন স্বামীকে ভঙ্গসনার সুরে বলল, তুমি এ কি বলছ, বাবা-মাকে আয়ায়ি বাসিয়ে ফেললে। আমি বাবা-মাকে ছেড়ে কিছুতেই এ বাড়ী হ'তে কোথাও যাব না। ছেলে-বৌয়ের কথা কাটাকটির বিষয়ে পিতামাতা জানলেন। তারা বৌয়ের ব্যবহারে আগে থেকেই বুঝ গ্রীত ছিলেন। এ ঘটনায় আরো গ্রীত হ'লেন।

একদিন ছেলে অফিস থেকে অসময়ে বাসায় ফিরে সম্পূর্ণ নীরব হয়ে রাইল। বৌমাও নীরব। সে স্বামীকে কোন কথা জিজেস করছে না। তাতে মনে হয়, সে বিষয়টা জানে। পিতা অনুমান করলেন, নিচয়ই একটা কিছু ঘটেছে। নইলে এভাবে অসময়ে বাসায় ফিরে একেবারে নীরব কেন? এমন সময় ছেলের মায়া এসে ঘটনার বিবরণ দিয়ে বলেন যে, ঘুষ ঘঘণের অপরাধে তাকে চাকরী থেকে বরখাস্ত করা হয়েছে। বিষয়টা সবার জানাজানি হয়ে গেলে ছেলে বাব-মাকে জড়িয়ে ধৰে কাঁদ কাঁদ ঘৰে বলে, ‘তোমরা আমাকে ক্ষমা কর। আমি চাকরী হারিয়ে তোমাদের পেয়েছি। আমি কোনদিন তোমাদের ছেড়ে কোথাও যাব না।’

* মুহাম্মদ আতাউর রহমান
সং- সন্ন্যাসবাড়ী, পোঃ বাসাইবাড়া, নওগাঁ।